



Bosnia and Herzegovina  
Federation of Bosnia and Herzegovina

**CANTON SARAJEVO**  
**Professional Office for Common affairs**

Broj: 17-11-22683-11/20

Datum: 20.11.2020. godine

Na osnovu člana 69. stav (2) tačka d) i člana 70. stav (1) (4) i (6) Zakona o javnim nabavkama („Službeni glasnik BiH“ broj: 39/14), člana 3. Sporazuma o provođenju zajedničke nabavke radova za sanaciju devastirane lokacije Regionalnog centra za upravljanje otpadom Smiljevići i člana 2 Aneksa Sporazuma o provođenju zajedničke nabavke radova za sanaciju devastirane lokacije Regionalnog centra za upravljanje otpadom Smiljevići, a u skladu sa članom 6. Uredbe o osnivanju Stručne službe za zajedničke poslove Kantona Sarajevo (“Sl. novine Kantona Sarajevo”, br. 5/06 – Prečišćeni tekst) i preporuke Komisije za provođenje zajedničke javne nabavke radova u postupku "Javne nabavke radova na sanaciji devastirane lokacije Regionalnog centra za upravljanje otpadom Smiljevići“, načelnik Stručne službe za zajedničke poslove Kantona Sarajevo, d o n o s i:

## **ODLUKU**

**o poništenju postupka javne nabavke na sanaciji devastirane lokacije Regionalnog centra za upravljanje otpadom Smiljevići**

### **Član 1.**

#### **(Predmet Odluke)**

Prihvata se Preporuka Komisije za javnu nabavku radova na sanaciji devastirane lokacije Regionalnog centra za upravljanje otpadom Smiljevići (u daljem tekstu: Komisija) sadržane u Zapisniku o pregledu i ocjeni ponuda broj: 17-11-22683- od 09.11.2020. godine i poništava se otvoreni postupak javne nabavke radova na sanaciji devastirane lokacije Regionalnog centra za upravljanje otpadom Smiljevići, evidencijski broj postupka 17-11-22683, objavljen na portalu E-nabavke dana 09.09.2020. godine, broj postupka 1230-1-3-65/20.

### **Član 2.**

#### **(Obavještenje učesnika u javnoj nabavci)**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220

Sarajevo, Reisa Džemaludina Čauševića 1





**Član 3.**  
**(Objava Odluke)**

Ova odluka objavit će se na web stranici ugovornog organa, <http://jn.ks.gov.ba> u skladu sa članom 70. stav (6) Zakona o javnim nabavkama.

**Član 4.**  
**(Stupanje na snagu)**

Ova odluka stupa na snagu danom donošenja.

***Obrazloženje***

Postupak javne nabavke pokrenut je Odlukom o pokretanju postupka javne nabavke broj: 17-11-22683-2/20 od 09.09.2020. godine.

Javna nabavka je provedena putem otvorenog postupka javne nabavke.

Ukupna procijenjena vrijednost nabavke iznosi 256.410,26 KM bez PDV-a.

Obavještenje o nabavci broj: 1230-1-3-65-3-32/20 objavljeno je 09.09.2020. godine na portalu E-nabavke, te u "Službenom glasniku BiH" broj 56/20 od 11.09.2020. godine.

Tenderska dokumentacija objavljena je na portalu javnih nabavki dana 09.09.2020. godine.

Krajnji rok za prijem ponuda bio je: 29.09.2020. godine do 13:30h, a javno otvaranje ponuda je upriličeno isti dan u Multimedijalnoj sali (ul. Reisa Džemaludina Čauševića 1), sa početkom u 14:00h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda od 13.11.2020. godine koji ujedno čini preporuku o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojima je utvrđeno sljedeće:

- Ukupan broj pristiglih ponuda: 1
- Broj blagovremeno zaprimljenih ponuda: 1
- Broj neblagovremeno zaprimljenih ponuda: 0
- Broj prihvatljivih ponuda: 0
- Broj neprihvatljivih ponuda: 1

Komisija je pristupila analizi dostavljene dokumentacije u smislu provjere validnosti ponude obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1





**Prikaz prihvatljivosti ponuda prema obliku, sadržaju i potpunosti, iz zapisnika sa otvaranja ponuda – analitička tabela:**

Red. br.	Evidencijski broj ponude	PONUĐAČ	Datum i vrijeme prijema	Ukupna cijena ponude u KM bez PDV-a	Ponuđeni popust
1.	17-11-37693	GRAKOP d.o.o.	29.09.2020. u 09:04h	255.663,05 / 299.125,77 KM	/

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da je ponuđač Grakop d.o.o. u svojoj ponudi dostavio Upotrebne dozvole za sljedeće buldožere:

- FIAT HITACHI FD 145
- CATERPILLAR D5H

Kako je Poglavljem III, tačka 1.5, podtačka 4. a) Tenderske dokumentacije zahtijevano da ponuđač dokaže da ispunjava uslov tehničke i profesionalne sposobnosti kroz posjedovanje tehničke opremljenosti za izvođenje radova, gdje je zahtijevano da ponuđač ima na raspolaganju dva buldožera naziva ili tipa 8, a prema saznanjima Ugovornog organa ne pripadaju tipu 8, ponuđaču je u skladu sa članom 68. Stav (1) Zakona upućen Zahtjev za pojašnjenje ponude, a u cilju otklanjanja sumnji u ispunjenost uslova postavljenih tenderskom dokumentacijom.

Ponuđač je u ostavljenom roku dostavio Pojašnjenje ponude, koje je proslijeđeno Komisiji radi ocjene prihvatljivosti pristigle ponude, a u kojem ponuđač potvrđuje da ponuđeni buldožeri ne pripadaju nazivu ili tipu 8. Razmatrajući dostavljenu ponudu i Pojašnjenje iste, Komisija je u skladu sa članom 10. stav 2. Poslovnika o radu Komisije, ocijenila dostavljenu ponudu kao neprihvatljivu, te istu većinom glasova odbacila u skladu sa članom 68. stav (4) tačka i) Zakona iz razloga što ista ne ispunjava zahtjeve iz tenderske dokumentacije.

Na osnovu izloženog, Komisija je većinom glasova rukovodiocu ugovornog organa zaduženog za provedbu predmetne zajedničke javne nabavke, odnosno rukovodiocu Stručne službe za zajedničke poslove Kantona Sarajevo dala preporuku da predmetni postupak poništi u skladu sa članom 69. stav (2) tačka d) Zakona ) iz razloga što nijedna od primljenih ponuda nije prihvatljiva.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Na osnovu gore navedenog, odlučeno je kao u dispozitivu ove Odluke u skladu sa članom 69. stav (2) tačka d) Zakona.



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1



**POUKA O PRAVNOM LIJEKU:**

U skladu sa članom 101. Zakona o javnim nabavkama, protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke, na način propisan članom 99. Zakona.



**Dostaviti:**

1. Grakop d.o.o.
2. a/a



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1

